

# 0'zbekiston davlat san'at va madaniyat institutining dekabr oyi 5-sonli Kengash yig'ilishi bo'lib o'tdi



Unda institut rektori, professor Nodirbek Sayfullayev, prorektorlar, shuningdek, institut professor-o'qituvchilari ishtirok etishdi.

Dastlab, N.Sayfullayev Hurmatli Prezidentimizning Oliy Majlis va O'zbekiston xalqiga yo'llagan Murojaatnomasi xususida so'z yuritarkan, davlat rahbari tomonidan ta'lim-tarbiya, ilm-fan va madaniyat sohalarida belgilab berilgan ustuvor vazifalar, xususan, oliy ta'lim sifati, pedagog kadrlar salohiyatini oshirish, yoshlarni qo'llab-quvvatlash hamda milliy madaniy merosni asrab-avaylash masalalariga alohida e'tibor qaratilganini ta'kidladi.



Shuningdek, Murojaatnomada belgilangan maqsad va vazifalarni amalga oshirish doirasida institut oldida turgan ustuvor yo'nalishlar, kelgusi yil uchun reja va vazifalar muhokama qilindi. Yig'ilish davomida ta'lim jarayonini yanada takomillashtirish, ilmiy va ijodiy faollikni oshirish, zamonaviy yondashuvlarni joriy etish masalalari yuzasidan fikr-mulohazalar bildirildi.



N.Sayfullayev barcha ishtirokchilarni tobora yaqinlashib kelayotgan yangi yil bayrami bilan samimiy muborakbod etib, yakunlanib borayotgan 2025-yil mamalakatimiz taraqqiyoti xususan institut faoliyati uchun muhim o'zgarishlar, ulkan yutuqlarga boy yil sifatida tarix zarvaraqlaridan joy olayotgani, ushbu o'zgarishlar va yangilanishlarga monand tarzda institut jamoasi ham bir qancha muvaffaqiyatlarga erishganini qayd etib o'tdi.



Yig'ilish davomida Nodirbek Sayfullayev o'z taqdimotida 2025 yil davomida amalga oshirilgan ishlar va erishilgan natijalar yuzasidan batafsil sarhisobni taqdim etdi, kelgusi yil uchun ustuvor yo'nalishlar, aniq reja va vazifalar belgilab olindi hamda institut faoliyatini izchil rivojlantirishga qaratilgan 2026 yilga mo'ljallangan yo'l xaritalari tasdiqlandi.



Shundan so'ng ishtirokchilarga o'tib borayotgan 2025-yil davomida institut faoliyatida olib borilgan keng islohotlar, shuningdek, o'quv, ijodiy va ilmiy yo'nalishlarda qilingan samarali ishlarni o'zida mujassam etgan video rolik namoyish etildi.



So'ng Oliy attestatsiya komissiyasining qaroriga ko'ra «Madaniyat va san'at menejmenti» kafedrasidan Viktor Alemasovga, «Kino, televideniye va radio rejissyorligi» kafedrasidan Feruza Fayziyevalarga professor ilmiy unvoni, shuningdek, «Milliy qo'shiqchilik» kafedrasidan Nodirbek Xayrullayevga, «Vokal» kafedrasidan Aynisa Yuldashevaga, «Axborot texnologiyalari» kafedrasidan Gulandom Samigovaga, «Estrada va ommaviy tomoshalar san'ati» kafedrasidan Shahobiddin Ikromovga, «San'atshunoslik va madaniyatshunoslik» kafedrasidan Muzaffar Pirmatovlarga dotsent ilmiy unvonlari topshirildi.

Bundan tashqari «Milliy qo'shiqchilik» kafedrasida dotsenti Navrōzbek Sobirov pedagogika fanlari bōyicha falsafa doktori (PhD) ilmiy darajasiga ega b'ldi.



Ushbu ilmiy unvonlarni institut rektori N.Sayfullayev tantanali ravishda topshirar ekan, ularning kelgusi ilmiy-pedagogik faoliyatlariga ulkan zafarlar tiladi. Bundan tashqari institutning bir qator o'qituvchi va xizmatchilari institut rahbariyati tomonidan e'tirof etildi. Xususan Yoshlar bilan ishlash, ma'naviyat va ma'rifat bo'limi boshlig'i Jaxongir Karimov, Matbuot kotibi Masrurbek Sanayev, "Cholg'u ijrochiligi" kafedrasida dotsenti Yusuf Vahidov, O'quv teatri direktori Nurilla Usmonov, Registrator ofisi menejeri Ra'no Almatova, Himoya Kengashi seminar kotibi G'anijon Xudoyev, Ta'lim sifanini nazorat qilish bo'limi boshlig'i Dilnoza Irisboyeva, Texnik foydalanish va xo'jalik bo'limi xodimi Shoxida Ataeva, Xalq ijodiyoti fakulteti Yoshlar bilan ishlash bo'yicha dekan o'rinbosari Mo'minmirzo Xolmo'minov, Kutubxona-axborot faoliyati fakulteti tyutori Hurshida Xaqbayeva, Kino, televideniye va radio san'ati fakulteti tyutori Siroj Abdialimov, Talabalar turar joyi tarbiyachi pedagogi Nazokat Rasulovalar tashakkurnoma va esdalik sovg'alari bilan taqdirlanishdi.



Shuningdek, 2025-yil davomida samarali faoliyat yuritgan kafedralar – “ Estrada va ommaviy tomoshalar”, “Folklor va etnografiya” hamda “Milliy qo’shiqchilik” kaferalarning mehnatlari e’tirof etilib, esdalik sovg’alari bilan taqdirlandi.





O'zbekiston Respublikasi Prezidentining Farmonlari, farmoyishlari va topshiriqlarini, O'zbekiston Respublikasi Vazirlar Mahkamasining qarorlari va bayoni, vazirliklarning buyruqlari va topshiriqlarini bajarilishi, institutda iqtidorli talabalar bilan ishlash holati va uni yanada takomillashtirish bo'yicha 2026-yilda amalga oshiriladigan ishlar rejasi, I chorak tayanch doktorant va mustaqil izlanuvchilarning qabul natijalari, ularning ilmiy rahbarlari, dissertatsiya mavzularini tasdiqlash hamda Oliy attestatsiya komissiyasi byulletenida e'lon qilish uchun tavsiya etish, 2025-yil yakunlari bo'yicha institutda hamda Nukus filialda ilmiy salohiyatni kuchaytirish, nashr ishlari, xorijiy investitsiyalarni jalb qilish yuzasidan amalga oshirilgan ishlar hamda 2026-yil uchun ilmiy faoliyat rejasini tasdiqlash,



O'zbekiston davlat san'at va madaniyat instituti huzuridagi Pedagog kadrlarni qayta tayyorlash va ularning malakasini oshirish Tarmoq markazining 2025-yil amalga oshirilgan ishlari, institut kafedra mudirlari, barcha bo'limlar, professor-o'qituvchilari faoliyatining samaradorlik ko'rsatkichlari,



2025-yil uchun rejalashtirilgan maqsadli investitsiyalarning hamda xalqaro hamkorlik masalalari bo'yicha tasdiqlangan "Yo'l xarita"da belgilangan vazifalarning amalga oshirilish holati, institut delegatsiyasining xorijiy davlatlarga tashrifi hamda u yerda amalga oshirilgan ishlar, institutga qo'shimcha shartnoma asosida qabul qilingan magistrlar dissertatsiya mavzulari va ilmiy rahbarlarini tasdiqlash hamda institutda haftalik ish vaqtini qayta ko'rib chiqish, shuningdek, boshqa qator masalalar muhokama qilindi.



Ushbu kun tartibidagi masalalar yuzasidan mutasaddilarning axborotlari tinglandi hamda barcha mas'ullarga tegishli topshiriqlar berildi.



Nodirbek Sayfullayev yana bir bor barcha professor-o'qituvchilarni kirib kelayotgan yangi 2026-yil bilan samimiy tabriklab, yangi yil institutimiz uchun yaxshi yil bo'lishiga tilak bildirdi.

---

# **0'zbekiston davlat san'at va madaniyat institutida "Madaniyat va san'at sohasida kadrlar tayyorlashning zamonaviy talablari" mavzusida ilmiy-amaliy seminar bo'lib o'tdi**

Unda soha mutaxassislari, professor-o'qituvchilar, ilmiy xodimlar, yosh pedagoglar hamda OAV vakillari ishtirok etdilar.



Dastlab, tadbirni O'zbekiston davlat san'at va madaniyat instituti rektori, professor Nodirbek Sayfullayev kirish so'zi bilan ochib berdi.

U seminar ishtirokchlariga o'z minnatdorligini bildirib, madaniyat va san'at sohasida raqobatbardosh kadrlar tayyorlash, ta'lim jarayonida zamonaviy yondashuv va innovatsion texnologiyalarni joriy etish masalalari borasida fikr-mulohazalarini bildirdi.



Shuningdek, u mazkur tadbirni institutda 2025 yilda olib borilgan islohotlarning mantiqiy davomi va joriy yil yakuni sifatida baholar ekan, o'tib borayotgan ushbu yilda institut tomonidan o'quv, tarbiyaviy jarayon bilan ilmiy izlanishlar ham samarali olib borilganini ta'kidladi. Bu borada institut barcha kafedralari o'z yo'nalishlari bo'yicha salmoqli ishlar olib borayotganligi pedagoglar esa ilmiy izlanishlar bilan band ekanligi aytib o'tildi.



N.Sayfullayev o'z so'zi davomida o'quv jarayonlarini yanada takomillashtirish va ilmiy salohiyat jihatdan ko'zda tutilgan istiqbolli rejalar xususida gapirib o'tdi.

Shundan so'ng mavzu yuzasidan ma'ruzalarga o'tildi.



Unda O'zbekiston davlat yoshlar teatri direktori, dotsent Farhod Jo'rayevning "O'zbek teatr san'atida kadrlar tayyorlashning dolzarb masalalari" mavzusidagi,



Toshkent shahar Yunusobod tumani madaniyat bo'limi mudiri Marxamat Murodovning "Madaniyat markazlari xodimlarining malaka talablari" mavzusidagi, O'zDSMI "Madaniyat va san'at menejmenti" kafedrasida dotsenti, iqtisodiyot fanlari bo'yicha falsafa doktori (PhD) Oybek Do'smuhammedovning "Madaniyat va san'at muassasalarida menejment va marketing strategiyasi" mavzusidagi,



kafedra o'qituvchisi Nigora Rahimovaning "Yangi O'zbekistonda turizm madaniyatini rivojlantirish" mavzusidagi, Madaniyatshunoslik va nomoddiy madaniy meros ilmiy-tadqiqot instituti ilmiy kotibi, tarix fanlari bo'yicha falsafa doktori (PhD), dotsent Zokirjon Axmedovning "Muzeyshunos kadrlarni tayyorlashning zamonaviy talablari" mavzusidagi ma'ruzalari tinglandi.



Seminar davomida har bir ma'ruza yuzasidan savol-javoblar bo'lib, mavzu yuzasidan qizg'in kechgan bahs-munozarlarda mutaxassislar o'z fikr-mulohazalari bilan faol ishtirok etdilar.



N.Sayfullayev o'z xulosaviy nutqida ta'lim, ilmiy tadqiqot va amaliyot o'rtasida mustahkam bog'liqlikni yo'lga qo'yish orqali sohada samarali natijalarga erishish mumkinligini alohida ta'kidladi.



Shuningdek, seminar davomida ilgari surilgan g'oyalar negizida zamonaviy boshqaruv mexanizmlarini ishlab chiqish, amaliy loyihalar tayyorlash bo'yicha topshiriqlar berdi va ushbu loyihalarni tegishli vazirlik va yuqori turuvchi tashkilotlarga taqdim etish yuzasidan o'z fikrini bildirdi.




Bunday ilmiy-amaliy seminarlar soha mutaxassislari va yosh kadrlar o'rtasida o'zaro hamkorlikni kuchaytirishga xizmat qilishini bildirib, barcha ishtirokchilarga muvaffaqiyat tiladi.

Seminarni "Madaniyat va san'at menejmenti" kafedراسi mudiri, san'atshunoslik fanlari bo'yicha falsafa doktori (PhD), dotsent Sayfullo Ikramov olib bordi.

---

# **Oliy ta'lim muassasalari faoliyati va 2026-yil ustuvor**

# yo'nalishlari muhokama qilindi



16-dekabr kuni O'zbekiston Respublikasi Prezidenti Administratsiyasi rahbarining ta'limni isloh qilish bo'yicha o'rinbosari Hilola Umarova hamda Oliy ta'lim, fan va innovatsiyalar vaziri Qo'ng'irov Sharipov ishtirokida qator oliy ta'lim muassasalari rektorlarining joriy yilda amalga oshirilgan ishlar bo'yicha hisobotlari hamda kelgusi yil uchun belgilangan strategik rejalari muhokama qilindi.



Muhokamada Toshkent davlat agrar universiteti, Toshkent davlat yuridik universiteti, O'zbekiston davlat jismoniy tarbiya va sport universiteti, O'zbekiston davlat san'at va madaniyat instituti hamda Guliston davlat universiteti rahbarlari o'z ta'lim muassasalarining 2025 yilgi faoliyati yakunlari, erishilgan natijalar va istiqboldagi ustuvor vazifalar yuzasidan taqdimotlar bilan ishtirok etdi.



Batafsil: <https://gov.uz/oz/edu/news/view/111324>

---

**Ol<sup>iy</sup> ta'lim, fan va innovatsiyalar vazirligida "Ta'limda sun'iy intellekt texnologiyalarini qo'llash va ulardan samarali foydalanish bo'yicha rektorlar forumi"**

# bo'lib o'tdi

Mazkur nufuzli anjumanda respublika bo'yicha 200 dan ortiq oliy ta'lim tashkilotlari rahbarlari, sohaning yetakchi mutaxassislari, mahalliy va xalqaro ekspertlar qatnashdilar. Jumladan O'zbekiston davlat san'at va madaniyat instituti rektori, professor Nodirbek Sayfullayev ham ishtirok etdi.




Forum O'zbekiston Respublikasi Prezidenti Administratsiyasi rahbarining o'rinbosari Hilola Umarova va Oliy ta'lim, fan va innovatsiyalar vaziri Qo'ng'irov Sharipovning kirish so'zlari bilan ochildi.



Shuningdek, tadbir davomida vazirning birinchi o‘rinbosari Sardor Rajabov, Vazirlik huzuridagi Raqamli ta‘lim texnologiyalarini rivojlantirish markazi direktori Alisher Abdullayev, Ta‘lim sifatini ta‘minlash milliy agentligi direktori Baxtiyor Yo‘ldoshev, shuningdek, “Yangi O‘zbekiston” universiteti prorektori Bahodir Ahmedovlar o‘z ma‘ruzalari bilan chiqish qilishdi.



Jarayonda ta'limda sun'iy intellekt texnologiyalaridan foydalanishning zamonaviy yondashuvlari, ta'lim samaradorligini oshirish, talabalarning o'quv faoliyatini tahlil qilish, dars jarayonini individuallashtirish hamda akademik halollikni ta'minlash masalalari muhokama qilindi.



Forum o'z ishini panel sessiyalarda davom ettirarkan, unda oliy ta'lim muassasalarida sun'iy intellekt infratuzilmasini rivojlantirish, sun'iy intellekt savodxonligi: etik me'yorlar va amaliy ko'nikmalar hamda oliy ta'limda raqamli transformatsiyaga bag'ishlangan masalalar muhokama qilindi.

Forum yakunida ishtirokchilar sun'iy intellekt texnologiyalarini oliy ta'lim tizimiga joriy etish bo'yicha hamkorlikni kengaytirish, tajriba almashish va qo'shma loyihalarni amalga oshirish yuzasidan fikr almashdilar.



Bundan tashqari forum ishtirokchilari O'zbekistondagi Islom sivilizatsiyasi markaziga tashrif buyurishdi. Tashrif davomida ular katta bunyodkorlik loyihalari, shuningdek, yurtimiz sivilizatsiyasi taraqqiyotining turli

bosqichlarini, buyuk allomalar va ulamolarning boy ilmiy-ma'rifiy merosini zamonaviy muzey ekspozitsiyalari orqali aks ettiruvchi, kelajak avlodni ma'naviy kamolga chorlaydigan ushbu noyob ilmiy-ma'rifiy majmuaning mazmun-mohiyati bilan yaqindan tanishdilar.

---

# **0'zbekiston davlat san'at va madaniyat instituti rektori, professor Nodirbek Sayfullayev rahbarligida navbatdagi yig'ilish bo'lib o'tdi**

Unda prorektorlar, Ijtimoiy-ma'naviy muhit barqarorligini ta'minlash bo'yicha rektor maslahatchisi, fakultet dekanlari, bo'lim boshliqlari hamda kafedra mudirlari ishtirok etdilar.



Yig'ilish kun tartibiga o'tilar ekan, unda quyidagi masalalar atroflicha muhokama qilindi:

Jumladan: Fakultetlar kesimida kunduzgi va sirtqi talabalarning haftalik davomati,



0'zbekiston Respublikasi Oliy ta'lim, fan va innovatsiyalar vazirligining 5 dekabrdagi 479-son buyruq ijrosini ta'minlash,



2025 yil uchun rejalashtirilgan maqsadli investisiyalarni amalga oshirilishi, xalqaro hamkorlik bo'yicha universitetlar bilan imzolangan memorandumlar,



tuzilgan (O'zbekiston-Xitoy, O'zbekiston-Italiya, O'zbekiston-Turkiya, O'zbekiston-Ozarbayjon) "Yo'l xarita"larida belgilangan vazifalar ijrosining bajarilishi,



kafedralarning reyting indikatorlari bo'yicha amalga oshirilgan ishlar, 2025/2026-yillar kuz-qish mavsumiga tayyorgarlik holati, "edo.ijro.uz" elektron tizimi orqali kelib tushgan topshiriqlarining ijrolari mas'ullar tomonidan bajarilish holati hamda turli masalalar muhokama qilindi.



Muhokamalar yakunida har bir masala yuzasidan mas'ul shaxslarga aniq topshiriqlar berildi.



Rektor har bir yoʻnalishda belgilangan vazifalarning oʻz vaqtida va sifatli bajarilishini qatʼiy nazoratga olish zarurligini taʼkidladi.

---

## **0ʻzbekiston davlat sanʻat va madaniyat institutida 4-bosqich “Estrada aktyorligi” taʼlim yoʻnalishi talabalari ijrosida “Ulugʻlar yoʻli” nomli sinf-konserti namoyish etildi**

Unda institut rektori, professor Nodirbek Sayfullayev, institut professor-oʻqituvchilari hamda talabalar ishtirok etdi.



Konsert dasturida talabalarning turli ijodiy yoʻnalishlardagi chiqishlari – sahna nutqi, pantomima, sahnaviy harakat, vokal hamda plastik kompozitsiyalar taqdim etildi.



Shuningdek, tomoshabinlar mashhur rassomlar asarlari asosidagi sahna ishlanmalari va o'ziga xos badiiy talqinlar namoyishiga ham guvoh bo'lishdi.



Dastur quyidagi pedagoglar rahbarligida tayyorlandi: sahna nutqi – Juldikarayeva Xatira, pantomima – Ostanina Ol'ga, sahnaviy harakat – Ismoilov Dilshod, vokal – Azizova Gulshan va Abdullayeva Oynisa.



Kurs badiiy rahbari va konsert rejissyori, professor Marina Yusupova.

Ijodiy jamoa: yorug'lik rassomi Rasulov Shavkat, ovoz operatorlari Ismanova Farangiz va Kuldasheva Muxarram, rassom Tulaboyev Alisher, grim ustalari Djalilova Feruza va Rizayeva Robiya, texnik xodim Kakharov Fazliddin. O'quv teatr direktori Usmanov Nurulla.



Shuningdek, ushbu dasturda “Suoza’ne”, “Sharning ustidagi qiz”, “Edit Piaf”, “Oshiqlarning tasviri”, “Bog’dagi qizlar” kabi badiiy kompozitsiyalar, shuningdek, “O‘z yo‘lini izlash” nomli plastik kompozitsiyalar namoyish etildi.



Sinf-konserti nafaqat yosh ijodkorlarning professional rivojlanishiga, balki institutda olib borilayotgan ta'lim jarayonining samaradorligini ko'rsatishga ham xizmat qildi. Undagi chiqishlar tomoshabinlarda chuqur taassurot qoldirib, talabalarni yangi ijodiy izlanishlarga ruhlantirdi.



---

## REKTOR VA YOSHLAR

Xabaringiz bor, kuni kecha O‘zbekiston davlat san‘at va madaniyat institutida O‘zbekiston Respublikasi madaniyat vaziri Ozodbek Nazarbekov tashabbusi bilan tashkil etilgan “Aktyor” loyihasi doirasida sahnalashtirilgan “Hayot bekati” nomli inklyuziv spektakl namoyishi bo‘lib o‘tgandi.



Bugun institut rektori, professor Nodirbek Sayfullayev ushbu inklyuziv spektaklni sahnalashtirishda tashkiliy va texnik masalalarda yaqindan yordam ko'rsatgan institut talabalari bilan uchrashdi.



Dastlab, N.Sayfullayev ayniqsa, so'nggi yillarda institutda ijodiy va ijobiy ishlar amalga oshirilayotganini mamnuniyat bilan ta'kidladi.

Uning aytishicha, talabalar faolligi va ijodiy tashabbuslari institut nufuzining oshishiga, san'at ta'limining yangi bosqichga ko'tarilishiga xizmat qilmoqda.



Rektor har bir talaba bu dargohning tarixi, unda faoliyat yuritgan ulug' ustozlarning hayot va ijod yo'lini chuqur bilishi zarurligini alohida urg'uladi. Uning fikricha, san'atkor o'z ildizini, milliy merosni chuqur anglagan taqdirdagina haqiqiy ijod namunalarini yaratishi mumkin.



Uchrashuv chog'ida N.Sayfullayev ushbu spektakl jarayonida jonbozlik ko'rsatgan talabalarga o'zining samimiy minnatdorligini bildirib, ularning fidoyiligi, mas'uliyati va ijodiy yondashuvini alohida e'tirof etdi.



Talabalar ham o'z navbatida spektakl ularning hayotida o'ziga xos ijodiy maktab bo'lgani, inklyuziv teatr tajribasi esa ularga yangi dunyoqarash berganini ta'kidlashdi.



Shuningdek, uchrashuvda Yoshlar masalalari va ma'naviy-ma'rifiy ishlar bo'yicha birinchi prorektor Shohbek Ergashev, "Dramatik teatr va kino san'ati" kafedrasini mudiri v.b. Zamira Axmedova, spektakl ssenariy muallifi va sahnalashtiruvchi rejissyorlari – kafedra katta o'qituvchilari Sevara Rajabova va Go'zal Rashidovalar ham ishtirok etishdi.



Ular spektaklni tayyorlash jarayonidagi o'z tajribalari, talabalar bilan ishlash bo'yicha fikrlari bilan o'rtoqlashib, kelgusida bunday ijodiy loyihalarni yanada kengaytirish rejalari haqida ham so'z yuritishdi.



Uchrashuv yakunida spektaklni tayyorlashda faol ishtirok etgan talabalarga institut rahbariyati tomonidan tashakkurnoma va esdalik sovg'alari topshirildi.

---

**0'zbekiston davlat san'at va  
madaniyat institutiga  
0'zbekiston Respublikasi  
Madaniyat vaziri Ozodbek  
Nazarbekov tashrifi chog'ida**

# yosh professor-o'qituvchilar hamda iqtidorli talabalarning sohaga oid yangi loyihalar bo'yicha tashabbus va taqdimotlari bilan yaqindan tanishdi

Ushbu tashrif jarayonini O'zbekiston davlat san'at va madaniyat instituti rektori, professor Nodirbek Sayfullayev boshqarib bordi.



Xususan unda "Ovoz rejissyorligi va operatorlik mahorati" kafedrasida dotsenti, san'atshunoslik fanlari bo'yicha falsafa doktori Otajon Dostonov tomonidan "Kino klasteri" loyihasi doirasida kino va televideniye hamda ovoz yozish uchun

mo'ljallangan maxsus pavilion taqdimoti, "Cholg'u ijrochiligi" kafedrasi o'qituvchisi Qahramon Rashidov tomonidan ko'hna cholg'ularni yanada ommalashtirish, ko'hna cholg'ular ijrochiligiga bag'ishlangan elektron platformalar va mobil ilovalarini hamda o'quv adabiyotlarini yaratish bo'yicha taqdimoti,



"Estrada va ommaviy tomoshalar rejissyorligi" mutaxassisligi 1-kurs magistranti Shavkat Bazarbayevning 2026-yilda Toshkent shahrida o'tkazilishi rejalashtirilgan "Kelajak o'yinlari" Digital olimpiadasining ochilish marosimiga bag'ishlangan "Uchinchi renessans ostonasida" nomli teatrlashtirilgan tomosha bo'yicha rejissyorlik hamda "Axborot tenologiyalari" kafedrasi mudiri, PhD, dotsent Aziza Qurbonovaning "UzDigitalTheatre" mobil ilovasi g'oyalari taqdim etildi.



Vazir mazkur taqdimotlar bilan tanishar ekan, institutda yaratilayotgan ilmiy-ijodiy muhit, yosh mutaxassislar va talabalarining tashabbuskorligi, ularning amaliy natijaga yo'naltirilgan ishlarini yuqori baholadi. U ayniqsa, taqdim etilgan loyihalarni nafaqat ta'lim jarayonini boyitishga, balki mamlakatimiz madaniyat industriyasiga innovatsion yechimlar olib kirishga xizmat qilishini ta'kidladi. Pedagoglarning yaratib kelayotgan ilmiy-metodik ishlanmalarini qo'llab-quvvatlash, yosh ijodkorlar uchun zarur sharoitlarni yanada kengaytirish bo'yicha tegishli mas'ullarga topshiriqlar berdi.



O'z o'rnida N. Sayfullayev mazkur loyihalar institutning innovatsion rivojlanish strategiyasi bilan uyg'un ekanini, yoshlar uchun bunday ko'mak va e'tibor ularni yanada katta

marralar sari ruhlantirishini aytib o'tdi. Shuningdek, ta'lim jarayoniga zamonaviy texnologiyalarni chuqur tatbiq etish institutning ustuvor yo'nalishlaridan biri ekanini qayd etdi.



Shundan so'ng Ozodbek Nazarbekov hamda mehmonlar institut o'qituvchi va talabalari tomonidan tayyorlangan konsert-dasturida qatnashishdi.

Unda ijro etilgan milliy kuy-qo'shiqlar barchada katta taassurot qoldirdi.

